

ახალი ლენინი

პირველად იყო სიტყვა, და სიტყვა იყო ლენინთან და სიტყვა იყო ლენინი

რეგისტრაციის ნომერი №57/1-180

№15 (77) ივლისი, 2009 წელი

ზასი 30 თეთრი

მუნიციპალიტეტის საკრებულო

ჩატარდა ცაგერის მუნიციპალიტეტის საკრებულოს სხდომა რომელზედაც განხილულ იქნა „ცაგერის მუნიციპალიტეტის ბიუჯეტის სარეზერვო ფონდის ხარჯვის მდგომარეობის; ცაგერის მუნიციპალიტეტის გამგეობის სახანძრო უსაფრთხოებისა და საგანგებო სიტუაციების სამსახურის მიერ განეული მუშაობის, „ზოგადი ადმინისტრაციული კოდექსის“ მოთხოვნა-

თა შესაბამისად სტიქიით დაზარალებული მოსახლეობის საჩივარ-განცხადების შესწავლისათვის მუნიციპალიტეტის საკრებულოსა და გამგეობის მიერ განეული მუშაობის, „ადგილობრივი თვითმმართველობის შესახებ“ საქართველოს ორგანული კანონისა და დამტკიცებული დებულების შესაბამისად მუნიციპალიტეტის საკრებულოში შრომისა და საშემსრულებლო დისციპლინის

დაცვის მდგომარეობის, ცაგერის მუნიციპალიტეტის საკრებულოს 2008 წლის №240 განკარგულების შესაბამისად კულტურის, სპორტის, ძეგლთა დაცვისა და ახალგაზრდობის სამსახურის მიერ ფიზკულტურულ-სპორტული მუშაობის გაუმჯობესებისათვის განეული მუშაობის, ქ. ცაგერში დავა-დასუფთავების გრაფიკის დამტკიცების, მუნიციპალიტეტის ტერიტორიაზე საინვესტიციო პროგრამების მიმდინარეობის, ქვედა ცაგერში მცხოვრებ ვენერა.

დაშინანის ოჯახზე დახმარების განევის შესახებ.“

საკრებულოს სხდომამ მიიღო შესაბამისი დადგენილებები და განკარგულებები.

ამით სხდომამ მუშაობა დაასრულა.

ცაგერის მუნიციპალიტეტის საკრებულოს საინფორმაციო-ანალიტიკური და საზოგადოებასთან ურთიერთობის სამსახური.

ამოქმედდა საპრეზიდენტო პროგრამა

მიზანი: სოფლის პრობლემების გადაწყვეტა

კარგა ხანია, საპრეზიდენტო პროგრამა „სოფლის მხარდაჭერა“ ძალაში შევიდა, რაც ნამდვილად უპრეცედენტო და უალტერნატივო ვარიანტს წარმოადგენს სოფლის ინფრასტრუქტურის ობიექტების აღდგენა-რეაბილიტაციის და კეთილმოწყობის პირველადი რიგის სამუშაოების დასაფინანსებლად. პროგრამის განსახორციელებლად „საქართველოს რეგიონებში განსახორციელებელი პროექტების ფონდიდან“ საქართველოს ფინანსთა სამინისტრომ ადგილობრივ თვითმმართველ ერთეულებს მათ შემადგენლობაში არსებული ადმინისტრაციულ ერთეულებში სოციალურ-ეკონომიკური პროექტების განსახორციელებლად გამოუყო 19. 998. 876 ლარი. პროგრამა ძირითადად გახლავთ საქართველოს ხელისუფლების ინიციატივა და ითვალისწინებს სოფლის პირველი რიგის პრობლემების გადაწყვეტას, თვითმმართველობის განხორციელებაში მოქალაქეთა აქტიურობას. მთავრობის განკარგულებით ჩვენს მუნიციპალიტეტს გამოეყო 228.856 ლარი. ეს თანხა ძირითადად განისაზღვრა სპეციალური ფორმულის საფუძველზე, რომელიც ითვალისწინებს საკრებულოებში შემავალი დასახლებების, ოჯახებისა და მოსახლეობის რაოდენ-

ობას. აქედან გამომდინარე ყველა ტერიტორიულ ორგანოს გადაეცა გარკვეული თანხა, რომლითაც მოგვარდება მთელი რიგი პრობლემები. ჩვენი გაზეთის ფურცლებიდან პერიოდულად გაგაცნობთ თუ როგორ და რაში იხარჯება თითოეულ სოფელზე გაცემული თანხა. ამჯერად ქულბაქის საკრებულოს რწმუნებულს ალუდა თუთიასანს ვეწვიეთ: „შეუძლებელია ადამიანმა არ დაინახოს ის სასიკეთო ძეგლები, რომელიც დღეს ხდება. პრეზიდენტი, საქართველოს დღევანდელ მთავრობასთან ერთად ყველაფერს აკეთებს, რათა ჩვენი ქვეყანა ჩამოყალიბდეს ძლიერ სახელმწიფოდ. წარმოუდგენლად მიმაჩნია არ განახლებოთ თუნდაც რამდენიმე წლის წინანდელი მდგომარეობა და ახლანდელი პარალელი გაავლოთ და არ მიხედო, რომ სწორედ აღმშენებლობის გზაზე დგას ჩვენი ქვეყანა. ყველამ უნდა შევიგნოთ, პრობლემა უცებ არ გადაწყდება. პროცესი ნელ-ნელა მიდის და სწორედ ესაა მთავარი. აი, თუნდაც საპარლამენტო პროგრამა „სოფლის მხარდაჭერა“ ამას მოწმობს. ყველა დამეთანხმება ბევრი პრობლემა მოგვარდება, ამით გლეხი იგრძნობს ხელისუფლების გვერდში დგომას და სოფელიც გაძლიერდება.“

(დასასრული გვ. 2)

21-ე საუკუნე ცდილობს თავისი ადგილი დაიმკვიდროს ისტორიაში. მეოცე ასწლეულიდან მიღებული მძიმე მემკვიდრეობა განსაკუთრებული სიმძაფრით აისახება საქართველოზე, რომელიც ტერიტორიული მთლიანობის აღდგენისათვის იბრძვის. ძირძველი ქართული მიწების მშობლიურ წიაღში დაბრუნებისათვის ქვეყნის სამართლიანი სწრაფვის მსოფლიოს ყველა ცივილიზებული ქვეყანა

რუსეთის საკბილოდ ექცია. სამწუხაროდ, მალე მრწმენი აფხაზები და ოსები ანკესზე წამოეგნ, ცდუნებას აყენენ, დავიწყებას მისცეს ქართველ ხალხთან მრავალსაუკუნოვანი მეგობრობა და საქართველოს ზურგი აქციეს. პუტინ-მედევედვის ტანდემმა დრო იხელთა და აფხაზეთი და სამხრეთ ოსეთი, საერთაშორისო თანამეგობრობისაგან ნამალავად, დამოუკიდებელ რესპუბლიკად აღიარა. მსოფლიოს

პოზიცია



მაგრამ ღალატით რომ არ არის უცხო ქვეყნის წარსულისათვის. ამასაც ხომ დიდი განსჯა

ფიქრები საქართველოზე

უჭერს მხარს. გამონაკლისი მხოლოდ რუსეთია, რომელსაც იმპერიული ამბიციები ამოძრავებს. ახალ ვითარებაში რუსი დერჟიმორდები ყველაფერს აკეთებენ იმისათვის, რომ სამხრეთი კავკასია მათი გავლენის ქვეშ დარჩეს. თავისუფლების მოყვარული ქართველი ხალხი კი ევროპისაკენ იღრმავს. ორ ქვეყანას შორის ინტერესთა შეუთავსებლობა პერმანენტული დაძაბულობის ქვეშ ამყოფებს ქართველ ერს. ხელმძღვანელობდა რა გათიშე და იბატონეს პოლიტიკით, რუსეთი მე-19 საუკუნიდან აღვივებდა შუღლსა და მტრობას, ერთი მხრივ ქართველებსა და ოსებს შორის, ხოლო მეორე მხრივ ქართველებსა და აფხაზებს შორის. გასული საუკუნის 90-იანი წლებიდან, რუსეთის წაქეზებით, აფხაზმა და ოსმა სეპარატისტებმა დამოუკიდებლობა მოითხოვეს. რუსეთის რეგულარული არმიის დახმარებით მათ შეძლეს მშობლიური მიწიდან აეყარათ ასიათასობით ქართველი და ლტოლვილად ექციათ. 2008 წლის აგვისტომდე რუსეთი ფორმალურად აღიარებდა ქვეყნის ტერიტორიული მთლიანობას, საქმით კი ყველაფერს აკეთებდა იმისათვის, რომ აფხაზეთი და სამაჩაბლო წაეგლიჯა საქართველოსათვის და

არც ერთი ქვეყანა მათ დამოუკიდებლობას არ სცნობს, მაგრამ რა გამოვიდა, საერთაშორისო სამართლის უხეში დარღვევით, რუსეთმა აფხაზეთისა და ოსეთის ოკუპაცია მოახდინა, რასაც ქვეყნის ხელმძღვანელობის დიდი ძალისხმევითა და საერთაშორისო ორგანიზაციების მხარდაჭერის მიუხედავად, ჯერ დასასრული არ უჩანს. ასეთია მწარე რეალობა, რომელმაც დადი დასვა ჩვენს თანამედროვეობას. ქართველ ხალხს წილად ხვდა უბედურება, საკუთარი თვალთ ეხილა უთანასწორო ბრძოლაში უმოწყალოდ დახოცილი და დასახიჩრებული შეილები, გადამწვარი სოფლები, იავარქმნილი ქალაქები, მშობლიური კერიდან აყრილი და დევნილად ქცეული თანამომხმენი.

მტერი თავის ამბიციურ გეგმებზე ხელს არ იღებს, არადა დაგიდევს ხალხის უბედურებას და ახალი მეხთა ტეხით ემუქრება საქართველოს. სიმბოლოები მიყვებული ჭრილობები რომ მოშუშება უნდა, ყველამ იცის. როცა მგელი მოდის, ძაღლები ჩხუბს წვეთენ და საერთო მტრის წინააღმდეგ საბრძოლველად მიემართებიან. უცხო ესაც არ უნდა იყოს. როცა ეს ასეა, ჩვენ რა ღმერთი გვიწერება, ქვეყნის ისტორიამ გვიჩვენა და თავდადების მრავალი მაგალითი იცის,

არ სჭირდება. თუ ევრო გეპარებათ, უკან გაიხელოთ და დავინახოთ უბედურების, რბევის, სისხლისა და ცრემლის მეტი რა მოუტანია ქვეყნისა და ხალხისათვის ურთიერთდაპირისპირებას. ჩვენი აშლილობითა და პოლიტიკური სირთულეებით ყოველთვის მოხერხებულად სარგებლობდა მტერი, ამით უნდა აიხსნას, რომ მომავლისადმი იმედია დამოკიდებულების მიუხედავად, ქვეყანა დღემდე ვერ გაიმართა წელში, რაც შეეხება საფრთხეს, მე თუ მკითხავს კაცი, ასეთი საშიშროების წინაშე საქართველო ჯერ არ მდგარა. აქედან გამომდინარე, ყველა წინააღმდეგობა და უთანხმოება გვერდზე უნდა გადავდოთ, მტყუანისა და მართლის გარჩევის დრო ჯერ არ დამდგარა, უნდა ერთმანეთს დადსულოვნად მივუტყუოთ ჩვენი ადამიანური ცოდვები და შეცდომები, როგორც ამას უწმინდესი და უნეტარესი, სრულიად საქართველოს კათალიკოს პატრიარქი ილია მეორე მოითხოვს და მაშულს დავუდგეთ დარაჯებად, ვიდრე იარაღში კბილებამდე ჩამჯდარ მტერს მისთვის თავისუფლების პატივი არ აუყრია და დიდგორგამოვიღიო უძლეველი დავითიანი დროშა

(დასასრული გვ. 2)

ფიქრები საქართველოზე

(დასასრული)

ჭუჭყიანი ჩექმებით არ გაუთელავს.

ქვეყანას, რომელიც დიდი აღმშენებლობის გზაზეა გამოსული, სულის მოთქმის საშუალება უნდა მიეცეს. დროა ყველამ დაინახოს, რომ სიღარიბისგან ილაგვანყვეტილმა ადამიანებმა შეება იგრძნეს. დაეწყებას მიეცა ის დრო, როცა მიზერულ ხელისუფლებასა და პენსიასაც ვერ ღებულობდა ხალხი, ხოლო შიმშილობამ და სიღატაკემ მრავალი ჩვენი თანამემამულე იმსხვერპლა. ადამიანები ვერ იკმაყოფილებდნენ ელემენტარულ მოთხოვნებს. ქურდები, მძარცველები, მკვლელები კი დაუსჯელნი რჩებოდნენ. დღეს თუ კაცი უმადური არ არის და თვალთახედვის ისარი გამრუდებული არა აქვს, კარგად შეუძლია დაინახოს, რომ მსოფლიო კრიზისის მიუხედავად, ჩვენი ქალაქები და სოფლები ხარაჩოებშია

ჩასმული, შენდება გზები, ხიდები, გაკვეთი სასმელი წყლები, ყოველდღიური ყურადღების ცენტრშია სკოლები და საცხოვრებელი სახლები, მაქსიმალურად კმაყოფილდება ადამიანთა სოციალური მოთხოვნილებანი. ხალხი ამას გრძნობს და მადლიერებას არ მალავს.

შეძლება ამ არასრული ექვსი წლის მანძილზე, რაც ქვეყანას „ნაციონალური მოძრაობა“ და პრეზიდენტი მიხეილ სააკაშვილი მართავს, ყველაფერი ვერ მოესწრო, მაგრამ თუ ჩვენს შორის სანუკვარმა მშვიდობამ და ისაღვურა, შორს არ არის ის დრო, როცა მავანს პრეტენზიების საფუძველი ხელიდან გამოეცლება და ცილისწამების მაღაც დაეკარგება.

არც ის არის მოსაწონი, რომ ჩვენი სახნავ-სათესი მიწების მნიშვნელოვანი ნაწილი დაუშუშავებული რჩება. მართალია, სახელმწიფოს მიერ დაწესებული

დახმარების მოცულობა ყოველწლიურად იზრდება, რაც ცხოვრების პირობების გაუმჯობესებაში აკუმულირდება, მაგრამ თუ ლენხუმის სოფლებში მიწები არ მოიხნა, დოვლაფზე, ხვავსა და ბარაკაზე, როგორც ამის სადღეგრძელოებში ვამბობთ ხოლმე, ლაპარაკი უზნეობა იქნება, არც ეს პროცესი რჩება შეუმჩნეველი ხელისუფლებას. აქეთკენ არის მიმართული სოფლის დახმარების პროგრამა, რომელიც წელს ამოქმედდა და დიდი მადლიერებით შეხვდა მოსახლეობა.

დროებითი წარუმატებლობა და მარცხი საკუთარ თავზე არაერთხელ გამოსცადეს ევროპის ქვეყნებმა, მაგრამ შეცდომების გაანალიზებით მიაღწიეს განვითარების ისეთ დონეს, რომელიც ჩვენი ქვეყნისათვის, სამწუხაროდ, მხოლოდ ოცნების სფეროს განეკუთვნება. ჩვენ არ დავმარცხებულვართ აგვისტოს ომში, გა-

ვუმკლავდით მტრის ჯოჯოხეთურ სამხედრო მანქანას, რომლის წინაშეც მსოფლიოს მრავალი ქვეყანა ძრწის. მთავარი ის გახლავთ, რომ ვერ დავგაჩოქეს და ქვეყნის ტერიტორიული მთლიანობის აღდგენის წმიდათა წმიდა იდეაზე ხელი ვერ აგვადებინეს, მთავარია, ჩვენ არ გამოვიდეთ ხელის შემწყობის როლში.

ქუჩის პერმანენტული აქციებით, რომელიც ორ თვეზე მეტია გრძელდება, მტერი არ უნდა გავაცინოთ, პრეზიდენტის გადადგომის შესახებ ოპოზიციის აზირებული მოთხოვნას ყურს არავინ უგდებს, იმდენად აბსურდული და მიუღებელია საზოგადოებისათვის. ბოლოს, როგორც იქნა, ზოგიერთი ოპოზიციონერიც მიხვდა, რომ საკანი, როგორც ასეთი, მიუღებელია ქართული სინამდვილისათვის. თუ ამით იმას უნდა გაუსვან ხაზი, რომ საქართველო პოლიციური სახელმწიფოა, ცდებიან, რადგან დამნაშავე ყველა საზოგადოებაში ისჯებოდა და ისჯება. ისიც გავიხსენოთ, დაუსჯელო-

ბის სინდრომმა რა მძიმე შედეგები მოუტანა ქვეყანას და უახლოესი წარსულის უკან მობრუნებას ნურავინ ეცდება. კაცი, რომელიც საქმეს ვერ მიავსებს და ყურადღების მიპყრობის მიზნით საკანში დაჯდება, ხალხის პატივისცემას ვერ დაიმსახურებს. თუ კანონის მოთხოვნა არ სრულდება და პატიოსანი ადამიანი იჩაგრება, ხმა ყველამ უნდა აიმაღლოს და პირველ რიგში ხალხის რჩეულმა, მაგრამ რეალობას არ უნდა ვუღალატოთ, ვერ იმაზე ვილაპარაკოთ, რაც გაკეთდა და რასაც ყველა ხედავს, შემდეგ, კი ბატონო, ნაკლოვანებებზეც შეიძლება იყოს მიუყვანადი საუბარი. დღეს ყველამ საქმეს უნდა მოკიდოს ხელი და უმწიფობისაგან წელში მოხრილ ქვეყანას მიუშველოს. ვისაც მუხლი უჭრის და გული ერჩის, მისთვის, როგორც გრიგოლ ორბელიანი იტყოდა ხოლმე, დიდებისა და სახელების ასპარეზია დაცლილი და თავის გამოჩენაც შეუძლია.

რ. ჭაბუკიანი

24. 06. 2009წ.

ამოქმედდა საპრივიტიზაციო პროგრამა მიზანი: სოფლის პრობლემების გადაწყვეტა

(დასასრული)

2 წელია მე გახლავარ ქულბაქის რწმუნებული. ამ დროის განმავლობაში სამჯერ მოიხრეშა სარეწკელა-ქულბაქის მონაკვეთი. ადგილობრივი მთავრობის მუნიციპალიტეტების გამგეობისა და საკრებულოს დახმარებით მოხერხდა ასევე შიდა სასოფლო გზების მოხრეშვითი სამუშაოების ჩატარება, რითაც სოფელი ხელისუფლების მადლიერია. ახლა რა დავგეგმეთ პროგრამით გათვალისწინებული ფულით: მოსახლეობის აზრის გათვალისწინებით გადაწყდა, რომ ქულბაქში აიგოს ეკლესია, (ჩაგეგმილია 3525 ლარი), ხოლო ჩქუმში გაკეთდეს წყალსადენი (ჩაგეგმილი არის 3427 ლარი).

ტაძრის პროექტი სრულიდ უფასოდ გაკეთდა. არის შემოწირულობები სხვადასხვა სამშენებლო მასალის სახით. აღსანიშნავია, რომ ადგილობრივი მოსახლეობა უანგაროდ, ყოველგვარი ანაზღაურების გარეშე მუშაობდა. ეს საქმეს წინ წასწევს. რაც შეეხება ჩქუმს-აქაც მოსახლეობის სურვილის გათვალისწინებით და გადაწყვეტილებით კეთდება წყალსადენის მშენებლობა. პროექტით გათვლილი ერთი წყლის რეზერვუარის მაგივრად მოხერხდა ორი აუზის მოწყობა. შეძენილია მიწები და მალე სოფელს წყლის პრობლემა აღარ ექნება. ასევე მინდა ვთქვა, თანხის ნაწილით სოფლის ერთ უბანში სავალი გზა მოიხრეშა. მათ ეს პრობლემა ჰქონდათ და მოუუვარეთ.

ასე რომ, ჩვენი სოფლისათვის გამოყოფილი თანხის თითოეული თეთრი მიზნობრივად იხარჯება. სამადლობელის მეტი არ გვეთქმის.

პაპ ყვირილიანი

სოფელი ზუბი ზაფხულობით მშვენიერ ქალბატონს მასპინძლობს, თუმცა მას სტუმარი სულაც არ ჰქვია და როგორც ზუბელები ამბობენ, იზოლდა ხაინდრავა-ბენიძე მასპინძელიცაა მათი, გულშემატკივარიც და დიდად საპატივცემულოც. გარდა ამისა, მას აქვს ისეთი საპატიო მძიმე ტვირთი, როგორიც ანგანსვენებული, ყველა-

გმაღლობით, რომ არსებობთ და... გვაგსებთ!

სათვის საყვარელი პიროვნების (ყოველგვარი რეგალიების გარეშე, თუმცა არც ეგ აკლდა) ვალერიან ბენიძის ღირსეული ქვრივობა და სამუდამო განსასვენებლის ერთგული მოდარაჯეობაა.

ქალბატონო იზოლდა პროფესიით ჟურნალისტიკა და ხშირად გვეხმიანება ხოლმე, უმეტესად მოფერებისთვის, რჩევებისთვის... ყველა შესხიანების შემდეგ აბსოლიტური გულწრფელობით გვთავაზობდა მასთან სტუმრობას.

...და ზაფხულის ერთ მშვენიერ საღამოს, ცაგერის მუნიციპალიტეტის საკრებულოს თავმჯდომარის, ბატონი ომარ ჭაბუკიანის ძალისხმევითა და ხელმძღვანელობით სოფელ ზუბი იზოლდა და ვალერიან ბენიძეების

გაფხულის იმ მშვენიერ საღამოს...

ნავსაყუდელს ვენვით. მიუხედავად ზაფხულისა, ბუხარში ცეცხლი აუგო გიზებია დიასახლისის, ნამდვილი რომანტიკაა, საგანგებოდ შეუკრიბავს ჩვენთან სასაუბროდ განწყობილი ახლობლები და თავიდან სახლისშიგაკიბით ბატონი ვალერიანის ხელით

ნებენ როგორ იდგნენ ტაძრის მშენებლობის სათავეებთან ბატონ ვალერიანთან ერთად, როგორ აწყდებოდნენ ყოველდღიურ წინააღმდეგობებს, ახლა ღიმილით იმასაც იხსენებენ, ზოგიერთებს ტაძარი მხოლოდ ილუზია რომ ეგონათ, მეუფე სტეფანეს დიდ ღვანლსაც აღნიშნავენ და ზუბელების თავდადებასაც. ბატონი ვალერიანის სული კი ისევ გვეხმაურება ქათქათა ტაძრის ეზოდან, იქიდან, სადაც დამსახურებულად განისვენა მისმა სულმა და სხეულმა.

უკან, სახლში შებრუნებულეს, ანაზღად ქართული კინო-ფილმიდან „მზე შემოდგომისა“, ერთი ფრაზა გაგვახსენდა—„ამ ოჯახში სუფრაც კი ხელოვნების ნიმუშია“. ყველაფერი სადა, უცხო, უბრალო და მაინც დიდი სულის მატარებელი. ბატონი ვალერიანი სიცოცხლის ბოლო წლებში საოცრად რომანტიულ ლექსებს უძღვნიდა თურმე თავის თანამეინახეს, ისეთ რომანტიულს, ახალგაზრდა წყვილებსაც რომ შემწრდებოდათ კეთილი შურით.

თქვენ სწორედ ასეთი ბრძანდებით ქალბატონო იზოლდა, ლექსებს რომ უძღვნიან საყვარელი ადამიანები. ეს ცოტათი დაგვიანებული წერილი სამადლობლად მიიღეთ იმისთვის, რომ არსებობს და გვაგსებთ!

გმაღლობთ ჩვენი მშვენიერო მასპინძლო!

მარინა სვანიძე

ინფორმაცია

საქართველოს კანონების, ეკონომიკური განვითარების სამინისტროს ბრძანების, ცაგერის მუნიციპალიტეტის გამგეობისა და საქართველოს საავტომობილო გზების დეპარტამენტის წერილის საფუძველზე ცაგერის შპს №16 საექსპლოატაციო სამმართველოს შეუერთდა ცაგერის შპს საგზაო სამმართველო.

დაევალა ცაგერის შპს №16 საგზაო სამმართვე-

ლოს დირექტორს (უსუბი ჭაბუკიანი) უზრუნველყოს ამ ბრძანების პირველ პუნქტში აღნიშნული საზოგადოების შერწყმა „მენარმეთა შესახებ“ საქართველოს კანონის სრული დაცვით; ამასთან შესაბამისი ცვლილებების რეგისტრაცია და სათანადო დოკუმენტაციების წარმოდგენა.

კონტროლი ბრძანების შესრულებაზე დაევალოს სსიპ „სანარმოთა მართვის“ სააგენტოს დარგობრივი ეკონომიკის ჯგუფს.

ქვედა ცაგერის საჯარო სკოლის კოლექტივი ნამდვილად გვაწვდის არა ერთი საქმიანი და ლამაზი ღონისძიებით.

ივნისის ერთ დღესაც მოსწავლეთა ხელით შესრულებული მოსაწვევი ბარათი მივიღეთ-მხატვრულ ღონისძიებაზე-„გვიყვარდეს საქართველო!“-

საქმიანი მეხვედრა, პრეს რამაზი მოყ

გვიწვევდა სოფლის დირექცია. სკოლის დარბაზი სასეა მუსიკით, სიხარულით, ბედნიერით სახეებით. ფუსფუსებენ ბავშვები და პედაგოგები, ისინი სიყვარულით ეგებებიან სტუმრებს. აქ მოვიდნენ ცაგერის მუცნიციალიტეტის საკრებულოს თავმჯდომარე ომარ ჭაბუკიანი, ცაგერის საჯარო სკოლის დირექტორად ნუნუ ჩაკვეტაძე და ამავე სკოლის პედაგოგები, ცაგერის რესურს ცენტრის წარმომადგენლები, სახალხო ბანკის მმართველი ნინო კოპალიანი, ქვედა ცაგერის საკრებულოს რწმუნებული გია ლეთოდანი, საქართველოს პარლამენტის წევრის, მაჟორიტარის დეპუტატის კარლო კოპალიანის ბიუროს თავმჯდომარე ბელა სალინაძე და სხვები.

შეხვედრა გახსნა და სიტყვით გამოვიდა ქვედა ცაგერის საჯარო

რო სკოლის დირექტორი ნუნუ კოპალიანი:

„თითოეულ თქვენგანს მოგილოცავთ კიდევ ერთი სასწავლო წლის დასრულებას. დღევანდელი ჩვენი შეხვედრა ნაწილია განათლების სამინისტროს იმ რეფორმისა, რომელიც ითვალისწინებს ჩვენი მოსწავლე

საგანმანათლებლო ასოციაციის მიერ სკოლის დირექტორებისათვის ჩატარდა ტრენინგი, რომლის მიზანი იყო ეროვნული სასწავლო გეგმის მიზნებისა და ფასეულობების გავრცელება სკოლის საზოგადოებაში, პარტნიორული ურთიერთობების ჩამოყალიბება სკოლასა და საზოგადოებას შორის. გადაწყვიტეთ შეგვექმნა სასკოლო ქსელი, რომელშიც გაერთიანდა ახლომდებარე ქვედა ცაგერისა და ბარდნალის სკოლები. შეიქმნა სამუშაო ჯგუფი, რომელმაც შეი-

მუშავა სკოლის განვითარების ერთობლივი პროექტი-„წარმატებული სკოლა“. გაცვალეთ დელეგაციები, გახლდით ცაგერის საჯარო სკოლაში, სტუმრად გვყავდა ქუთაისის ერთ-ერთი სკოლის მოსწავლეთა ჯგუფი. მალე ჩვენ ვეწვევით ამავე სკოლას.

ქვედა ცაგერის საჯარო სკოლამ წარმატებით დაასრულა სასწავლო წელი. ჩვენი დღევანდელი შეიმიტ ერთგვარი ანგარიშია გაწეული მუშაობის, მადლობა თითოეულ სტუმარს, ყველას, ვისთვისაც ნამდვილად არ არის სულერთი ჩვენი შედეგების განსწავლულობა და აღზრდა, მათი მომავალი.

უნდა გითხრათ, რომ სკოლამ არა ერთი გამარჯვება მოიპოვა გასულ სასწავლო წელს.

ამის დადასტურებაა 12 პირველი ხარისხის დიპლომი. „ნორჩი კალიგრაფისტი“ რესპუბლიკურ კონკურსში გაიმარჯვეს მე-3 კლასის მოსწავლეებმა (მასწავლებელი სულიკო მუშკუდიანი). 4 პირველი ხარისხის დიპლომი ამავე ნომინაციაში მიიღეს მე-4 კლასის მოსწავლეებმა (მასწავლებელი აზა ლიპარტელიანი).

პირველი ხარისხის დიპლომები დაიმსახურეს დ. სალინაძემ (გეოგრაფიაში, მასწავლებელი დავით კოპალიანი) თ. ხვადაგანმა (ისტორიაში, მასწავლებელი მარინა ლეთოდანი) შ. ჩანქსელიანმა (ქართული, მასწავლებელი ნანა კენჭაძე). მეორე ხარისხის დიპ-



ლომებით დაჯილდოვდნენ ნ. ჩხეტიანი, ნ. ქოძეიანი (გეოგრაფია).

სკოლის დირექტორმა ილაპარაკა სხვა მიღწევებზე, ასევე გასაკეთებელზე, სამომავლო გეგმებზე.

ამის შემდეგ დაიწყო ინტელექტუალურ-შემეცნიებითი შოუ-„გვიყვარდეს საქართველო“. იგი მიჰყავდა მათე კლასის მოსწავლეს ხატია ციხილაძეს. გუნდებს დათო ლეთოდანი და თემურ სალინაძე ხელმძღვანელობდნენ. სხვათაშორის ორივე გუნდმა დამსახურა დარბაზის სიმბათია.

შოუ ძალზე გააღამაზა ანა ზურაბიანის მიერ შესრულებულმა სოლომ.

ლამაზი საკუთარი ლექსი წაიკითხა მეშვიდე კლასის მოსწავლემ შოთიკო ჩანქსელიანმა. შემეცნიებით კითხვებს ცვლიდა უფროსკლასელი ვაჟების პაროდები, ხალხური სამღერები, ზუმრობები, ცეკვები: „ხორუმი“, „ჭარხალი“, „სვანური“.

სცენარის რეჟისორი და ქო-

როგრაფი გახლდათ მასწავლებელი ცისანა მუშკუდიანი, მუსიკალური ხელმძღვანელი მაკა დავითილიანი.

მადლობა მათ ამ დასამახსოვრებელი დღისათვის.

განათლების პროფკავშირის თავმჯდომარემ ნანა კოპალიანმა მიღწევებისათვის მადლობა გადაუხადა სკოლის დირექციას და საჩუქრები გადასცა.

„გაიმარჯვებს, გაბრწყინდება, ჩემი საქართველო!“

ამ ცნობილი, იმედინი მუსიკალური ფრაზით დაგვემშვიდობენ მოსწავლეები, ჩვენ კი აპლოდისმენტებით გავაცილებთ ისინი.

შემდეგ სტუმარ-მასპინძლებმა სამასწავლებლოში გადავიტაცეთ. აქ ტრადიციულ ქართულ სუფრაზეც გაგრძელდა საქმიანი და სკოლის საჭირისუფლო საუბარი

მარიანა სვანიძე,
მხეპინარა ძეგლიაძე

გვწერენ

წყლის სათავე-ნაგებობა შეიქმნა ითხოვს

ლაჯანურების მშენებლობა 1952 წლის შემოდგომაზე დაიწყო. ვიდრე მუშა-მოსამსახურეები მოვიდოდნენ და საქართველოში პირველი თაღოვანი კაშხლის მშენებლობას შეუდგებოდნენ, ლაჯანაში, მდინარის მარცხენა სანაპიროზე, მთელი დასახლება გაშენდა თავისი ინფრასტრუქტურით. რა თქმა უნდა, წინასწარ გაიყვანეს სასმელი წყალიც, რომლითაც, მშენებლებთან ერთად სარგებლობდა ლაჯანის, გაგულენისა და ორბელის მოსახლეობა. ლაჯანურის პიდროლექტროსადგური 1961 წელს გადაეცა საექსპლუატაციოდ მშენებლებმაც დასახლება დატოვეს და ენგურპესზე გადავიდნენ სამუშაოდ, მაგრამ მოსახლეობა, ორბელის ღვინის ქარხანა, ყოფილი სკოლა-ინტერნატი, მუშა-ახალგაზრდობის საშუალო სკოლა, ვაჭრობისა და საყოფაცხოვრებო მომსახურების ობიექტები ნახევარი საუკუნის წინათ გაყვანილი წყალსადენის იმედზე დარჩა. სამწუხაროდ ამ ხნის განმავლობაში ლაჯანის წყალსადენის სათავე ნაგებობა არავის გახსენებია, როცა ძლიერ დაზიანდა, დაკარგა ჰერმეტიზაცია და ვეღარ ასრულებს თავის ფუნქციას, ამან გამოიწვია სასმელი წყლის დაბინძურება, გაჩნდა ინფექციის გავრცელების რეალური საფრთხე, მიუხედავად იმისა, რომ მოსახლეობის მხრიდან ეს საკითხი არაერთხელ დაისვა, თანხების უქონლობის გამო, წყალსადენის სათავე ნაგებობის აღდგენა აქამდე არ მოხერხდა, როცა საფრთხე ყოველდღიურად იზრდება.

ჩვენთვის კარგად არის ცნობილი, რაოდენ მასშტაბურ სამუშაოს აწარმოებს მუნიციპალიტეტის ხელმძღვანელობა მოსახლეობის ხარისხიანი სასმელი წყლით მომსახურებისათვის, საერთოდ სასმელი წყლის პრობლემების საბოლოოდ გადაწყვეტილებისათვის და ეჭვი არ გვეპარება, რომ ჩვენი სამართლიანი თხოვნაც დროულად დაკმაყოფილდება, მით უფრო, რომ სათავე ნაგებობის აღდგენისათვის არც ისე დიდი თანხებია საჭირო და მთავარიც მონდომება.

ორბელის თემის
მოსახლეობა

ჩვენი ეპოქისა-მონასტრები

ლეჩხუმი ერთ-ერთი გამორჩეული მხარეა ისტორიულ-არქიტექტურული ძეგლების (ეკლესია-მონასტრები და ციხე-კოშკები) სიმრავლით, ნაგებობათა არქიტექტურის უნიკალობით და მშენებლობის კულტურით. მათგან ბევრი უძველესი ხანისაა, დღეისათვის ზოგი მათგანის ნანგრევები აღარ არსებობს. ბოლო პერიოდში რამდენიმე ეკლესია (ტიმის, თაბორის, ლაილაშის, ჭიქელაშის, ლაბუტილის, წმინდა მაქსიმე მურში). აღდგენილია. აშენდა ახლები: ზუბის წმ. გიორგის, ლასურიაშის... მშენებარეა ცაგერის წმინდა მაქსიმე აღმსარებლის სახელობის ტაძარი, ბარდნალისა და მახაშის ეკლესიები.

ლეჩხუმის ტერიტორიაზე აღრიცხულია სამოცდაათზე მეტი მოქმედი და აუშოქმდელები ეკლესია-მონასტერი, ოცდაათზე მეტი ციხე-კოშკის ნანგრევი.

სიძველის მიხედვით, გამოირჩევიან ადრეული ხანის (IX, X, XV სს.) გვესოს კომპლექსი, ლაბუტილის, გონისა და თაბორის ეკლესია-მონასტრები.

განსაკუთრებული მნიშვნელობა ენიჭება გვესოს კომპლექსს, ვინაიდან იგი ლეჩხუმის უძველეს საეკლესიო ნაგებობებს შეიცავს. ეს კომპლექსი სოფლის განაპირას პლატოზე მდებარეობს. იგი აგებულია კლდოვან შემადგენლობაზე. ეზოს ჩრდილოეთ ნაწილში კარიბჭისა და სამეურნეო ნაგებობათა ნაშთია, სამხრეთით ხეობისაკენ ოთხკუთხა კოშკი, ხოლო შუაში ოდესღაც მშენიერი, დღეს ნანგრევებად ქცეული ტაძარი დგას.

მიუხედავად ძლიერი დაზიანებისა ჩანს რომ ეკლესია რთული აგებულების მქონე სამნავიან ბაზილიკას წარმოადგენს. ძველის საერთო აგებულება, მისი მონუმენტურობა, აფხიზების ნაღისებური მოყვანილობა და კედლის წყობის ხასიათი, სპეციალისტებს აძლევს საშუალებას თქვან რომ, ის IX-X სს. ძეგლია.

ეს დიდი ზომის სამეკლესიანი ბაზილიკა შეგნიდან მოხატული უნდა ყოფილიყო, რაც კიდევ უფრო საზნებო იერს მისცემდა ნაგებობას.

სპეციალისტებს მიაჩნიათ რომ, გვე-

სოს კომპლექსი საერთო გაღავნით შემოღუღული ეკლესია და ციხე-კოშკი ერთი დროის მშენებლობას განეკუთვნება.

კოშკისათვის ფართო კიბის მიშენება, ამ ნაგებობის სარეზიდენციო დანიშნულებაზე უნდა მიუთითებდეს, სადაც, საფიქრებელია, სასულიერო ხელისუფლება იჯდა.

ს. ყაუხჩიშვილის აზრით, ბიზანტიური ეპოქის ბერძნული ენის მიხედვით თეოდოს განგრელოდან მოხსენიებული თაქ-

ვერის ციხის შესატყვისად უფრო „ცაგერი“ უნდა მივიჩნიოთ, ვიდრე „თაქვერი“. წმინდანის მაქსიმეს სახელი ისედაც იქნებოდა დაკავშირებული ლეჩხუმთან, რადგან ერთ-ერთი მისი მოწაფე თაქვერში „ცაგერში“ იყო მოთავსებული. (გეოგრაფიკა ტ. IV ნაკ. I, თბ. 1941 წ.).

თუ პირველ წყაროში მართლაც ცაგერის ციხეზეა საუბარი, მაშინ სრული უფლება გვაქვს ასეთად გვესოს ციხე მივიჩნიოთ. მას ადასტურებს ავტორთა ჯგუფი („ლეჩხუმი“ გვ. 21). ისიც შეიძლება იქნებოდა შემდგომში აქ საეპისკოპოსო კათედრის დაარსებისათვის.

„გვესოს სამლოცველო თავისი სიძველით და გამორჩეული ხუროთმოძღვრებით, საეკლესიო შენობებით, საეპარქიო ცენტრს, რომლის მსგავსი ლეჩხუმში სხვა არ არის. (ავტორთა ჯგუფი „ლეჩხუმი“).

გვესოს ციხე, როგორც ზემოთ თქვა, მიჩნეულია არა მხოლოდ თავდაცვის კომ-

კად, ის საცხოვრებელი რეზიდენციაა, შესაძლოა სასულიერო მოღვაწეების. ამას ადასტურებს ირგვლივ არსებულ ნაგებობათა მთელი კომპლექსი. ციხე ბატონობს ცაგერის მთელ ქვაბულზე სარეწველას ვიწრობამდე.

VII-IX საუკუნეთა ბიზანტიურ წყაროებში, სადაც ლაზიკის საეპისკოპოსებია დასახლებული, ცაგერელი ეპისკოპოსი არ ჩანს. აქედან გამომდინარე უნდა ვიფიქროთ რომ, საეპისკოპოსო კათედრა ლეჩხუმში IX-X სს. დაარსდა. მისი რეზიდენცია იქნებოდა გვესოს კომპლექსი. გვესოდან ცაგერში საეპისკოპოსო კათედრალი XI ს. უნდა იყოს გადამოტანილი. ამ აზრის ერთ-ერთი დადასტურებაა ის რომ, დღეს ცაგერში მდგარ ეკლესიას მრავალი ნგრევა-განახლების გამო სიძველის იერი სრულიად დაკარგული აქვს. მისი თვალაპირვლი მდგომარეობიდან, როგორც გ. ჩუბინაშვილი აღნიშნავს, შემორჩენილია მეტად საინტერესო დახვეწილი ჩუქურთმებით შესრულებული ცაგერის ეკლესიის კარი XI ს. დათარიღებული. ე.ი. ცაგერში საკათედრო ტაძარი XI საუკუნიდან უნდა არსებობდეს.

ვერჯერობით პირველი ცაგერელი ეპისკოპოსი იხსენიება იშხანის (ტაო). ჯვარზე. ანტონი რომელიც ჯერ იყო ცაგერელი, შემდეგ იშხნელი ეპისკოპოსი გამხდარა. სწორედ XI ს-ში ანტონ ცაგერელს ეკრცხლის ხატი შეუწირავს იშხნის ეკლესიისათვის. (ეჭვთა თაყაიშვილი)

იკვეთება რომ, ლეჩხუმში პირველი საეპისკოპოსო კათედრა არსებობას IX-X სს. დან და მისი რეზიდენცია იყო გვესოს კომპლექსი. კათედრალი გადამოტანილი იქნა ცაგერში XI ს-დან იმ ეპოქაში ლეჩხუმთან ერთად საეპისკოპოსოში შედიოდა ქვემო სვანეთისა და ზემო სვანეთის ნაწილი. ცხადია ასეთი ნაბიჯი ლეჩხუმ-სვანეთში ქრისტიანობის გაძლიერებისთვის იყო გადადგმული.

დავით კოპალიანი,
ცაგერის ისტორიული მუზეუმის
მეცნიერმუშაკი.

კაპიტალიზმი ქალაქს მხოლოდ მონაპოვად დატოვებს

ზაფხულია. პაპანაქება მზე დილიდანვე აფრქვევს მცხუნვარე სხივებს, ქალაქის მცხოვრებლები თავიანთ საქმეში გართულები შესქცევიან გავარვარებულ ზეცას და სიცხისაგან ნირწამხდარები, სულმოუთქმელად უცდიან, როდის ჩაიფერვლება დღის მცხუნვარება. მზისგან ჩამოღვნილ მათ გულს კი ერთი პეშვი წყალი სიცოცხლის ნიშანწყალს მისცემს და წაქცეულს ფეხზე ისე წამოაყენებს, თითქოს მზეს დაეცემოდეს მათთვის სხივის ტყორცნა. ჩვენი ონკანების შემყურე სად არის წყალი?! არადა უსულოსა და სულიერს, უპირველეს ყოვლისა, ადამიანებს სიცოცხლისთვის გვჭირდება წყალი. მკლავებდაკაპიწებული მოსახლეობა კილომეტრიდან ეზიდება წყალს ამ მცხუნვარე დღეებში. ირგვლივ მიმოიხედავ და გულის განგმირავად ისე მოანგრევს „ცხენისწყალი“ თუ სოფლის დღელები თავიანთ კალაპოტს, თითქოს აქაურობის ჩანთქმას ლამობენ, მაგრამ ქალაქს სანატრელი აქვს სასმელი წყალი. კომუნალური სამსახურისა და მისი ხელმძღვანელობის უდიდესი ძალისხმე-

ვის მიუხედავად, პრობლემად რჩება, კითხვა—რატომ არ არის წყალი? დღემდე პასუხი გაუცემელია.

ორიოდე წლის წინ ჩვენს რაიონს მსოფლიო ბანკის წარმომადგენლები ესტუმრნენ. ბატონებმა ავთანდილ სილაგაძემ და ყოფილმა გამგებელმა ვახტანგ კერესელიძემ მათ ინიციატივა გააცნეს ქალაქის წყლის უზრუნველყოფაზე. შემოვიღო იქნა ახლო-მახლო ტერიტორიები, აღმოჩნდა, რომ აქ არსებული წყლის მარაგი არ იყო საკმარისი ქალაქის სრული წყალმომარაგებისთვის. ამიტომ ქალაქიდან მოშორებით, სოფელ ზედალუხვანოს ტერიტორიაზე, ეგრეთ წოდებულ „სამგლიას მთაზე“ აღმოჩენილ იქნა წყალი, რომელიც თვითდინებით შემოვიდოდა რეზერვუარში და უზრუნველყოფდა ქალაქს სასმელი წყლით. მსოფლიო ბანკმა ერთდროულად ორი პროექტით დააფინანსა—ქვედა ცაგერისა და ცაგერის წყალსადენის რემონტი. პირველად მოხდა ქვ. ცაგერის წყალსადენის რეაბილიტაცია.

2009 წლის მარტში დაიწყო ზრუნვა

მეორე პროექტის განხორციელებაზე, სა-რემონტო სამუშაოები ქალაქის წყლის მომარაგებაზე დღემდე მიმდინარეობს, რედაქცია დაინტერესდა ამ საკითხით და გავესაუბრეთ ლუხვანის მუნიციპალიტეტის საკრებულოს რწმუნებულს ბატონ ავთო კოპალიანს—„დღეის მონაცემებით სამუშაოს ძირითადი ნაწილი შესრულებულია, შემოხიდილია ყველა საჭირო სამშენებლო მასალა, მიღები ჩამოტანილია უკრაინული ქარხნიდან—114 დიამეტრის, 3 მ სისქის, ცემენტი, ბლოკი, ბეტონის წრეები ჭებისათვის მოგვაწოდა ქუთაისის სხვადასხვა სამშენებლო მაღაზიებმა. გაჭრილია თხრილი დაახლოებით 5000 მეტრის ოდენობით, შედუღებულია ამავე რაოდენობის მილები. ამ დღეებში მოხდება მილების დაფარვა მიწით, გარემონტებულია წყალსაცავი აუზი, აშენებულია საქლორატორო და საყარაულო ჯიხურები. მიმდინარეობს სათაო ნაგებობის მშენებლობა, დასაქმებულია ადგილობრივი მუშა-ხელი 40-50 კაცის ოდენობით, როგორც მუშა, ასევე

მექანიზატორი და ტექნიკური პერსონალი“.

„2009 წლის მარტში დაწყებული წყალსადენის სარემონტო სამუშაოები გეგმის მიხედვით უნდა დამთავრდეს 2010 წლის აპრილში. ვიმედოვნებთ, რომ წყალსადენი მოქმედებაში შევა ამ წლის სექტემბერში. პროექტის დასრულების შემთხვევაში მიიღებენ და ჩაიბარებენ დამფინანსებელი მსოფლიო ბანკი, მშენებელი შპს „ოდა“, მუნიციპალიტეტის საკრებულოსა და გამგეობის წარმომადგენლები.“

რეზერვი ქალაქს თვითდინების წყლით მოამარაგებს და პროექტის გამართლების შემთხვევაში უამრავი ოჯახის უმთავრესი პრობლემა გადაიჭრება. ისედაც გაუსაძლისი ცხოვრებისეულ პირობებში დაღლილ-დაქანცული ჩვენი მოსახლეობა თუ სასმელი წყლით განებივრდება, მერწმუნეთ კეთილ სურვილებს არ მოაკლვს ამ საქმის ინიციატორებს, დამფინანსებლებს, შემსრულებლებს.

წყლის ძალა მოგცეთ ღმერთმა!

კაპა ბენდელიანი

„ერთგულების“ უგირით

ცაგერის მუნიციპალიტეტს გადმოეცა ჰუმანიტარული დახმარება, რომელიც საქველმოქმედო ფონდ „ერთგულების“ ეგიდით გაკეთდა. ტვირთი განსაზღვრული იყო ცაგერის მუნიციპალიტეტში მცხოვრებ სოციალურად შეჭირვებულ მოსახლეობაზე გადასაცემად. ჰუმანიტარულ ტვირთში შედიოდა მეორადი ტანსაცმელი, თეთრეული, ბავშვთა კვება (0-დან 5 წლამდე ჰიპის პროდუქტები). ცაგერის მუნიციპალიტეტის გამგეობის სოციალური სამსახურის ხელმძღვანელობით ტვირთი გაიცა თემის საკრებულოების რწმუნებულთა მეშვეობით და მოიცვა მუნიციპალიტეტში მცხოვრები შეჭირვებული ოჯახები—სულ 712, ხოლო ბავშვთა კვების პროდუქტები მუნიციპალიტეტში მცხოვრებ 0-5 წლამდე ყველა ბავშვზე. ასევე ტვირთი დაურიგდათ ცაგერის მუნიციპალიტეტში კომპაქტურად ჩასახლებულ (სასტუმროს შენობა) ლტოლვილებსაც.

საქველმოქმედო ფონდი „ერთგულება“ არაერთხელ გამხდარა ჩვენს მუნიციპალიტეტში ასეთ ჰუმანიტარული აქციების ინიციატორი, რისთვისაც მადლობა არაერთმა ტვირთმიღებულმა ოჯახმა და პიროვნებამ ხმამაღლა გამოხატეს, მადლიერებას არ იშურებენ ჩვენი ადგილობრივი ხელისუფლების მისამართითაც, რომლებმაც გააკეთეს ტვირთის ტრანსპორტირება და ორგანიზებული დარიგება. ალბათ იმაზე უკეთესი გრძნობა არ არსებობს ამ ქვეყნად, როცა ხედავ ერთი ადამიანი მეორეს დახმარების ხელს როგორ უწვდის, მოყვასს მოყვასი გაჭირვებიდან როგორც გამოჰყავს!..

მარიან სპანიძე

ინფორმაცია

ცაგერის მუნიციპალიტეტის გამგეობის 2009 წლის 10 ივლისის № 52 ბრძანებით, ცაგერის მუნიციპალიტეტის მიდასასოფლო გზების ქ. ცაგერის თავისუფლებისა და აღმშენებლის ქუჩების სარემონტო სამუშაოების სახელმწიფო შესყიდვა ხორციელდება ფასთა ჯვოტირების საშუალებით.

შესასყიდი სამუშაოები დაყოფილია 7 ობიექტად ახანდახანის ბანსახეობის მიღება შეძება 2009 წლის 20 ივლისს 12 საათამდე.

ცაგერის მუნიციპალიტეტის გამგეობის ბრძანება №

ლოტი №1

—სოფ. ორხეში სკოლასთან მისასვლელი გზის აღდგენა

—სოფ. საირმის შიდა საავტომობილო გზა

—სოფ. სპათაგორის შიდა საავტომობილო გზა

—სოფ. გაგულერის შიდა საავტომობილო გზა

—სოფ. უსახელოს შიდა საავტომობილო გზა

ლოტი №2

—კურორტ ლაშიჭალის საავტომობილო გზა.

—სოფ. ლაჯანაში გზის აღდგენა ელიაშის ლეღეზე

ლოტი №3

—სოფ. ოყურეშის საავტომობილო გზა

—სოფ. ალვის შიდა საავტომობილო გზა

—სოფ. ზუბის შიდა საავტომობილო გზა

ლოტი №4

—სოფ. ნიფერის შიდა საავტომობილო გზა

—სოფ. ბარდნალაში შიდა საავტომობილო გზა

—სოფ. ლარჩვალში მენყრულ უბანში დროებითი გზა.

ლოტი №5

1. სოფ. ლუხვანოს შიდა საავტომობილო გზა

2. სოფ. ჭალისთავის შიდა საავტომობილო გზა.

3. ქვ. ცაგერში სახრაველას ლეღეში შიდა საავტომობილო გზა

4. ქვ. ცაგერში რაბიყანის ტერიტორიაზე საავტომობილო გზა.

ლოტი №6

1. ქ. ცაგერში აღმაშენებლის ქუჩის შიდა საავტომობილო გზა

2. სოფ. სხუტელის შიდა საავტომობილო გზა

3. სოფ. ლასხანის შიდა საავტომობილო გზა

4. სოფ. სანორჩში შიდა საავტომობილო გზა

ლოტი №7

1. ქ. ცაგერში თავისუფლების ქუჩის კეთილმოწყობა

ცაგერის მუნიციპალიტეტის გამგეობის ზ. მინდაძე

საქართველოს მთავრობის №347 2009 წლის 8 მაისის ბანკარგულებით

საჯარო სკოლების მშენებლობისა და რეაბილიტაციის მიზნით საქართველოს რეგიონებში განსახორციელებელი პროექტების ფონდიდან ცაგერის მუნიციპალიტეტს გამოეყო თანხა 360 000 (სამას სამოცი ათასი) ლარის ოდენობით.

რომლითაც განხორციელდება ა) ბარდნალის საჯარო სკოლის რეაბილიტაცია;

ბ) ლაჯანის საჯარო სკოლის რეაბილიტაცია;

გ) ალვის საჯარო სკოლის რეაბილიტაცია;

დ) უსახელოს საჯარო სკოლის რეაბილიტაცია;

ე) საირმის საჯარო სკოლის რეაბილიტაცია;

ჩატარდა ტენდერი

რომლის შედეგად გამოვლინდნენ გამარჯვებულნი შპს „გონი“ და შპს „ნინო“.

შპს „ნინოს“ შესყიდვის ობიექტის, ამ შემთხვევაში შესასრულებათაა ლოტი №2 -ზე 90.100.72 ლარი (ოთხმოცდაათი ათას ასი ლარი და სამოცდათორმეტი თეთრით) მ/შ. სოფ. ლაჯანის საჯარო სკოლა 49886,27 ლარი, სოფ. თავორის საჯარო სკოლა 21595,85 ლარი, სოფ. საირმის საჯარო სკოლა 18618,60 ლარი (საერო და თითოეული ობიექტის ღირებულება აღებულია დღგ-ს გათვალისწინებით).

შპს „ნინოს“ შესყიდვის ობიექტის ამ შემთხვევაში შესასრულებელი სამუშაოების ღირებულებათაა ლოტი №2-ზე 90100,72 ლარი (ოთხმოცდაათი ათას ასი ლარი და სამოცდათორმეტი თეთრით). მ/შ სოფ. ლაჯანის საჯარის სკოლა 49886,27 ლარი, სოფ. საირმის საჯარო სკოლა 18618,60 ლარი (საერთო და თითოეული ობიექტის ღირებულება აღებულია დღგ-ს გათვალისწინებით).

მიმწოდებელი იძლევა გარანტიას, რომ შესყიდვის ობიექტის ხარისხი უზაუსხებს ამ სფეროში არსებულ თანამედროვე სტანდარტებს და ტექნიკურ ნორმებს.

შესყიდვის ობიექტის გარანტიაა სამუშაოს მიღებიდან 5 წელი.



აღვის სამკურნალო წყალი ისევ მოგვემსახურება

ჩვენი რაიონის და არა მარტო ჩვენი რაიონის, საშუალო და ხანდაზმული ასაკის ადამიანებს, რომლებსაც აწუხებდათ რევმატიული, ძვალსაზრისი, ალერგიული და ნევროლოგიური დაავადებები, ალბათ ესტუმრებათ აღვის ე.წ. აბანოს უნიკალური სამკურნალო თვისებები. იყო დრო, როდესაც სეზონზე 400-500 კაცი ისვენებდა აქ და იღებდა გოგირდოვანი წყლის აბაზანებს, შედეგად განსაკვირვებელი იყო, რაც დადასტურებულია არა მარტო ქართველი, არამედ რუსი, პოლონელი და სხვ. მეცნიერების მიერ, რომლებიც სწავლობდნენ აღნიშნული სამკურნალო წყლის შემადგენლობას. მართალია, 70-იან 80-იან წლებში დასასვენებელი ინფრასტრუქტურა აქ ძალზე მარტივად იყო განვითარებული, მაგრამ რაც იყო, ისიც დიდ შედეგად გახლდათ მოსახლეობისათვის. გასული საუკუნის ბოლო წლებში კი რაც იყო, ისიც განადგურდა. კიდევ უფრო მეტი, სამკურნალო წყლის სათავეს მასობრივად ჩამოშლინარე ღელემ საფრთხე შეუქმნა და წარმოშვა მისი წალეკვისა და გაქრობის საშიშროება. აღ-

ნიშნულის შესახებ საკითხი დაისვა მუნიციპალიტეტის საკრებულოსა და გამგეობაში, რამაც უკვე გამოიწვია შედეგი. შესაბამისი სპეციალისტებით დაკომპლექტებულმა ჯგუფმა ადგილზე შეისწავლა აღნიშნული მდგომარეობა და შედეგად შესაბამისი დოკუმენტაცია, რომელმაც უნდა განაპირობოს ამ უნიკალური სამკურნალო წყლის გადარჩენა. ამასთანავე წყაროს წყლით მომარაგება ზედა აღვის 27 ოჯახი, რომელიც სასმელი წყლის მწვავე დეფიციტს განიცდის.

ამ საქმის გადაწყვეტისათვის მადლობა გვინდა გადავუხადოთ მუნიციპალიტეტის საკრებულოს, გამგეობას ომარ ჭაბუკიანს, ზვიად მინდაძეს, ყველა იმ პირსა და ორგანიზაციას, რომელთაც ეს საშეღიშოვილო საქმე უნდა განახორციელონ და კიდევ ერთი, როგორც იქნა, ჩვენს ქვეყანაში შეიქმნა იმის გარემოება, რომ სოფელს, მის ინფრასტრუქტურას მიხედონ, რაც კიდევ უფრო სამომავლო იმელებს გვიჩვენს.

**ზედა აღვის და საბაქოს
უბნის მაცხოვრებლები**

ეს სირცხვილია

რბილად რომ ვთქვათ, უმაღური უნდა იყო, ქალაქის განაშენიანებისა და იერსახის სასიკეთოდ შეცვლა ვერ დაინახო. ეს მისასალმებელია და ყველას გვახარებს, მაგრამ არის შენობანაგებობები, ნანგრევები, ადგილები, რომლებიც, არც მეტი, არც ნაკლები, ნაგვის ბუდედაა ქცეული.


ყოფილი რაიკოპერატორის შენობის წინა ფლიგელში პირველი სართულის მხოლოდ კედლები ალბათ ყველას შეგინიშნავთ. ახლა, როცა ზაფხულია და საშინლად ცხელა, არ შეიძლება აქ გავლისას საშინელმა სუნმა და სიბინძურემ თქვენი ყურადღება არ მიიქციოს. არ გადავაჭარბებთ, ეს ადგილი, უკაცრავად ამ სიტყვისთვის და ნამდვილ საპირფარეშოდაა გადაქცეული.

ქალაქის სისუფთავე და საინტარული წესრიგი თითოეული ჩვენთაგანის მოქალაქეობრივი მოვალეობაა. ამაზე ბევრჯერ გვითქვამს და ბევრჯერ დავგინერია, მაგრამ საქმე ისაა, რომ კონკრეტულად ეს შენობა, ისე როგორც არა ერთი სხვა, შესყიდულია. ამიტომ მეპატრონეა ვალდებული დაასუფთავოს იგი, არ

დაანაგვიანოს ქალაქი, ვფიქრობთ, ჩვენი შესვენება მაინც შეაწუხებს და მოაშორებს ამ სიბინძურეს ქალაქის ცენტრს.

მონოდებულმა ორგანიზაციებმა კი იქნებ მეტი მომთხოვნელობა გამოიჩინონ ასეთ თანაქალაქელ მეპატრონეთა მიმართ

**გაზატი „ახალი
ლენხუმის“ რედაქცია**



თაშნა ჯიჟის ტაიზიჩიანი მონატრაზა

დაბადების დღეს გილოცავ, ჩემო თაშნა! შენ ხომ 23 ივლისს 26 წელი შეგისრულდებოდა.

დრო რა უცებ გავიდა, 9 წელიწადია, რაც შენ აღარ ხარ ჩემო ანგელოზო! შენ წაიღე ჩემი სული და გული, შენს მერე ჩემთვის მზე დაბნელდა უშენოდ გაუსაძლისია ჩემი სიცოცხლე, გამიჩინე მოურჩენელი ტკივილი, სიზმრად მა-

ინც მოდი, რომ მაგრად ჩავიკრა გულში და მოგვეფრო, ტირის შენი დედა, 9 წელია ტირის, იქნებ შენი დედის ცრემლები მალამოდ დაედოს შენს ქიმიანაკეთებ სხეულს, დასანანია შენი უდროოდ შეწყვეტილი სიცოცხლე, საყვარელი და ლამაზი რომ იყავი ღმერთმაც თავისთვის გამოგარჩია, შენ ხარ ჩემი მარადიული ტკივილი, ვაი შენ დედას, შეილო! რა გაუ-



საძლისი სიცოცხლე მარგუნა ღმერთმა, უფალმა გაგინათოს გზა სამუდამო სასუფეველში.
დედა-ლალი

აიშოკო ქალბატონ ხსოვნა



მიშოკო შეილო! წელიწადი გავიდა, მარადისობის პირველი წელი, შენი გარდაცვალებიდან კურთხეულ იყოს შენი სახელი. ერთი გაელვება იყო შენი ხანმოკლე სიცოცხლე. ჩემო ჭკვიანო, ლამაზო, გულთბილო ბიჭო. ყოველმხრივ ღმერთისაგან დაჯილდოებული იყავი. ღვთისმოყვარეობით, ნიჭიერებით, სიკეთით, ზრდილობით, თავმდაბლობით, შრომისმოყვარეობით, სწავლავანათლებით. ახლა მამა უნ-

და ყოფილიყავი, ხელში შენი შვილი უნდა გყოლოდა. რამდენი კარგი საქმის გაკეთება გინდოდა, რამდენი ოცნება დაგრჩა განუხორციელებელი. გიყვარდა სხვისი დახმარება ღმერთსა და ჭირში.

5 ივლისს სად შეწყდა შეილო შენი ლამაზი სიცოცხლე, სად დახუჭე თვალები. იმ დღეს ტელეფონზე გველაპარაკე დედამას, მოგვიკითხე, გვითხარი ახლა მეჩქარება მივდივარ, სალამოს დაგირეკავთო. რატომ მოუჩქარე შეილო, სულ კარგი გზით დადიდი და მაშინ რატომ დაგაყენეს ცუდ გზაზე? რატომ დაგემართა ის ტრაგედია? რატომ გაჯობა ბოროტმა ადამიანებმა, შენ კეთილ ადამიანს. ვინ დაიდვა შენი და ჩვენი ცოდვა. შენ ისეთი კარგი იყავი 100 წლის სიცოცხლეს ცოტა იქნებოდა შენთვის და შენი კარგი საქმეების გასაკეთებლად.

ხშირად მოდიან შენს საფლავზე მეგობრები, თანაკურსელები, თანამშრომლები, ნათესავები, ბიძები ოჯახებით,

მამიდაშვილები. ვისხენებენ, განიცდიან შენს ნაადრევ გარდაცვალებას შეილო, მალე შენი დაბადების დღე იქნება 27 აგვისტოს. ეს უკვე მეორედ უშენოდ უნდა აღვნიშნოთ შენი დაბადების დღე სიხარული მოქონდა შენს დაბადების დღეს ჩვენთვის, შენთვის, ახლა კი მწუხარება. უსაზღვროა შენი მონატრება, ძალიან, ძალიან ძნელია შენთან განშორება. თბილისში მგონიხარ, სულ ჭიშკარზე ვიხედები, რადგან ხმას გავიგონებ, ვფიქრობ, აგერ შემოვა სახლში მიშოკო-თქო, მაგრამ არა, არ ჩანხარ, რატომ? რატომ დავგეტოვე სიცოცხლით სავსე შეილო, სულ ეს კითხვა მანუხებს.

მარად იცოცხლებს შენი სახელი შენი დედ-მამის, დამის და ახლობლების გულში. უფალი შეისმენს ჩვენს ლოცვებს და შენს სპეციალურ დაამკვიდრებს სასუფეველში.

**შენგან გამწარებული შენი
დედა-მამა, და-ძმა
და ახლობლები**

კონკურსში გამარჯვებისათვის

თანამედროვე სკოლაში სწავლება მიზნად ისახავს ისეთი პიროვნების ფორმირებას, რომელიც მზად იქნება მთელი სიცოცხლის მანძილზე იზრუნოს თვითგანვითარებისათვის. სასწავლო წლის მანძილზე თითოეულ სკოლაში სწავლება მიმდინარეობს ეროვნული სასწავლო გეგმის შესაბამისად, რაც ითვალისწინებს მოზარდის გონებრივ და ფიზიკურ სრულყოფას.

თითოეული გაკვეთილი, მასწავლებლის მიერ დახარჯული თითოეული წუთი მიზნად ისახავს მოსწავლის აღზრდა-ჩამოყალიბებას, კრიტიკული აზროვნების შემოქმედებას და კომუნიკაციის უნარს, სამოქალაქო ცნობიერების ჩამოყალიბებას, თვითშეფასებისა და საკუთარი სასწავლო საქმიანობის სწორად წარმართვის უნარს, ეროვნული თვითშეგნების ჩამოყალიბებას.

ყოველივე ზემოთ აღნიშნულიდან გამომდინარე გასული წლის ნოემბერში განათლების სამინისტროსთან არსებული ესთეტიკური აღზრდის ცენტრის მიერ გამოცხადდა კონკურსი — „საუკეთესო შემოქმედი“.

აღნიშნულ კონკურსში მონაწილეობა მიიღო ქვედა ცაგერის საჯარო სკოლის III-IV კლასის მოსწავლეებმა და მასწავლებლებმა (ს. მუშკუდიანი, ა. ლიპარტელიანი).

III კლასის 12 მოსწავლემ და IV კლასის 5 მოსწავლემ დაიმსახურეს I ხარისხის დიპლომები, მადლობა გამოეცხადა ნაყოფიერი და გულისხმიერი მუშაობისათვის III კლასის მასწავლებელს სულიკო მუშკუდიანს.

ამავე ცენტრის მიერ გამოცხადებულ რესპუბლიკურ კონკურსში მასწავლებელთა შორის ნომინაციით — „საუკეთესო კალიგრაფიული ნამუშევარი“. I ხარისხის დიპლომით დაჯილდოვდა IV კლასის მასწავლებელი აზა ლიპარტელიანი.

კონკურსში გამარჯვებული მასწავლებლები და მოსწავლეები ცაგერის მუნიციპალიტეტის გამგებელმა ბატონმა ზვიად მინდაძემ, ექსკურსიით დააჯილდოვა მარშრუტით ცაგერი-ბათუმი-ცაგერი.

საქართველოს პედაგოგთა თავისუფალი პროფკავშირების რაიონული ორგანიზაციის თავმჯდომარემ ქალბატონმა ნანა კოპალიანმა გამარჯვებულ მასწავლებლებს ფასიანი საჩუქრებით გადასცა.

კონკურსში გამარჯვებულებს გარკვეული წახალისება აღუთქვა ცაგერის მუნიციპალიტეტის თავმჯდომარემ ბატონმა ომარ ჭაბუკიანმა.

კონკურსში გამარჯვებული თითოეული მონაწილე მადლობას უხდის აღნიშნულ პიროვნებებს გაწეული ყურადღებისათვის.

ჩვენი რედაქცია უერთდება რესპუბლიკური დონის კონკურსში გამარჯვებულთა სიხარულს და თითოეულ მონაწილეს უსურვებს შემდგომ წარმატებებს პირად და საზოგადოებრივ საქმიანობაში.

თამარ დავითილიანი

აქვს ზეპირი პოეზიის სახეივანი პოეზიის

ზაფხული ტურიზმისათვის საუკეთესო დროა. ჩვენც, მომავალი საქართველოს შვილებს, ძალიან დიდი სურვილი გვქონდა მოგვეჩუქო ექსკურსია, გვენახა ისტორიული კახეთი ეკლესია-მონასტრები, ციხე-სიმაგრეებით, მთელი თავისი დიდებული მშენიერებით... ჩვენი სურვილი კიდევ დიდხანს დარჩებოდა ოცნებად, რომ არა კეთილი შეცნატი, რომელიც სიამოვნებით დაგვთანხმდა და დააფინანსა ჩვენი ექსკურსია.

გვინდა, ცაგერის საჯარო სკოლის XI და XII კლასების მოსწავლეთა და მშობელთა სახელით,

უღრმესი მადლობა და პატივისცემა გადავუხადოთ შპს „მური 2007“-ის ხელმძღვანელს ბატონ ბათო (რეზო) ყურაშვილს, რომელმაც ჩვენს ლამაზ ოცნებას ფრთა შეასხა, დაგვიფინანსა ძვირადღირებული ექსკურსია და დაუვინყარი დღეები გვაჩუქა.

ლამაზი შთამბეჭდილებებით აღვსილნი და ვუბრუნდით მშობლიურ მხარეს. კიდევ უფრო შეგვიყვარდა ჩვენი სამშობლო, კიდევ უფრო ძალუმაღ ვიგრძენით, რანი ვიყავით, რანი ვართ

და ვინ ვიქნებით ხვალ, როგორც მოგვითხრობდა ვუპატრონებთ წინაპრების მიერ დღემდე რუდუნებით მოტანილ ჩვენს დედულ-მამულს...

კიდევ ერთხელ მადლობას მოვახსენებთ ბატონ ბათო ყურაშვილს გაწეული ყურადღებისათვის. ვუსურვებთ, კვლავ ბევრი კეთილი საქმე ეკეთებინოს ქვეყნისა და მომავალი თაობის სასარგებლოდ.

ცაგერის საჯარო სკოლის XI და XII კლასის მოსწავლეები, პედაგოგები, მშობლები

ახალი ლექსები

მეჩქარე მთაწმინდო

ქართულებო, მოგისმობთ

სიუვარულით გამალაღე,
გამალაღე სიძულვილი.
19.03.2009

ქართულებო მოგისმობთ,
ქართულებო, გეძახით...
ქართულებო, მოდიტ გონს!
ქართულებო, შეთანხმდით!!!

მტერი არ გაახაროთ,
სიტყვა მითქვამს ღვთიანი:
პირს აროდეს დახაროთ
დროშა დაუთიანო.

ამ მადლიან მიწა-წყალს
მოვლა უნდა იცოდეთ...
ვაჟაკები ვინცა ხართ,
მამული შეიცოდეთ.

შური ღმერთმა გაცილოთ,
ცა გუარადეთ ნათელი,
ქვეყანა არ გაწიროთ
მრავალჯერ განათელი!
22.05.2009 წ

ნატვრა

დამაცადე ცოტა ხანი,
წელულს მალამოდ მინდა ვეღო.
დრო, დრო თავის მოსაფხანო
დამიტოვე, შემოქმედო!

ხადაცა ვარ, გამახერე,
რაც არ ვიცი, მაცოდინე.
სიმაღლეში დამაჯერე,
ცოტა კიდევ მაცოდვილე.

ქვეყნის მტერი დამანახე-
უოვლგნით იმედ მიწურვილი.

სოფლის მეგობრებს

ლობიო და მქონდა მჭადი,
თქვენთან ვსვამდი, თქვენთან ვჭამ-
დი.

თამაში და მასსოვს მღერა,
როგორც სოფლის თბილი კერა.

ვაგლახ, სშირად არ მეცალა,
რომ ბოლომდე დამეცალა
სიუვარულით სავსე თასი...
ჩვენ ვიცოდით მშობის ფასი!!!

ოფლით ბევრჯერ მოვწვეუე ეანა,
რომ წლის სარჩო მოგვეუენა.
ეპ, რამდენი ვთოხნეთ მართლა,
მაგრამ ცდამ არ გაამართლა.

რადგან შრომა იყო ფუჭი,
ვერ მაღაუდა წვენას კუჭი.
თავისათვის რომ გვეშველა,
გავერიდეთ სოფელს უველა.

წასულები სოფლის შარით,
ახლა სად ხართ, ეს მითხარით.
სად ვეძიო თქვენი კვალი,
რომ შეგავლეთ წამით თვალნი.
10.04 2009

ჩვენი სახელოვანი წინაპრები გულბაათ ქავეყვადე

მოგესხენებათ, როგორი თამადაც
იყო გულბაათ ქავეყვადე, საქართვე-
ლოში სტუმრად მყოფ ალექსანდრე
იმპერატორს ისე მოსწონებია, პე-
ტერბურგს მიუწვევია. უარი არ გაუ-
ვიდა გულბაათს. ჩავიდა იმპერიის სა-
ტახტო ქალაქში, შეიყარა მთელი სა-
სახლე, გაიშალა დიდი სუფრა.

შეავსო ოთხლიტრიანი ყანნი ღვი-
ნით ქავეყვადემ, ადღეგრძელა იმპე-
რატორი და შესვა. ყანნი რომ დაუმ-
ვა, ნახა, რომ თითქმის ყველა მამაკა-
ცი გაქცეულიყო. იმპერატორის არ-
დღეგრძელობა როგორ იქნებოდა,
არადა, არავის შეეძლო იმ ყანნის დაც-
ლა.

გრძელდებოდა წლიდან წლამდე
გულბაათის გულბაათობა საქართვე-
ლოში. თუ სადმე დაპატიჟებული არ
იყო, თავად მოანვევინებდა გიგო მო-
ურავს სტუმრებს და ილხენდა.

ერთ დღესაც დიდხანს არ გაელ-
ვიდა— შევიდა მოურავი მასთან და
დივანზე მიწოლილი, უგუნებო ნახა
დიდი თამადა.

—ვუხმო, ბატონო, სტუმრებს ხომ?
—არა გიგო, დღეს მე ვკვდები. პირ-
ველი დღეა ჩემს ცხოვრებაში, გავილ-
ვიდე და... სტუმარი არ მინდა...
რამდენიმე საათში გარდაიცვალა
და გულბაათ ქავეყვადე.

ცაგერის მუნიციპალიტეტის საკრებულო და გამგეობა სამძიმარს
უცხადებს ვანო ფანჯარაძეს დედის
თალიკო ლიპარტილიანი-ფანჯარაძის
გარდაცვალების გამო.

ბალაკტიონი:

ბოგთბ მუერია მუილი ადამის,
ბოგთბ ცოცხა ადამიანი!

სინამდვილეს აბ ვუბრძი,
აბ ყთილა თითქმის,
აბყთუნაზე საყურდრი
აბასტრეს იქმის.

წიწამდრმი ბომ მთლეს ილია,
მაშინ უბტა გათაჯა დიდი.

ჩემი პოგია-ეს აბის:
აბრი, გბმბმა რა მუსიკა

მაძეს მუერს მიდრმული
ქნაბი, ბოგთბც მინდა.

რედაქტორი

თამარ
დავითშვილი

პასუხისმგებელი

მოდინო
მეზობელი
ქეილაქი

სარედაქციო კოლეგია

პაპ მამილიანი
მარინა სვანიძე
პაპ გენდელიანი

მისამართი:

ცაგერი, რუსთაველის
№47 მრე: 890 951678

გაზეთი აიწყო დაკაბადონდა და
თესტური წესით დაბეჭდა ქუთაისის
შპს
„ბიბლი ვნ“-ის სტამბაში.

ქ. ქუთაისი, ი. ქავეყაძის ვაზი, №33
ტელ: 23711, 23499